





A bon cher ami  
Mr. de Guilly. souvenir  
tes affections de  
bon tout devoue

Alfred

Levorne Avril 82

7548  
FROM  
THE LIBRARY  
OF  
SIR WILLIAM OSLER, BART.  
OXFORD



NA 3

~~IV. 2. 30.~~

7548. In Latin, on parchment : written in 1686 at Pisa :  $9\frac{1}{2} \times 6\frac{1}{2}$  in., 6 leaves : with illuminated coat of arms : in contemporary binding of morocco tooled in gold, strings wanting.

Diploma of the University of Pisa, conferring upon Onuphrio Bonfigli of Leghorn the degree of doctor of philosophy and medicine, 21 June, 1686 ; illuminated with the arms of the recipient ; subscribed by Antonio Morrona, chancellor general of the archiepiscopal court of Pisa. The seal of the Archbishop of Pisa, formerly attached, is wanting.

Bought from J. Meynial, Paris, 16 July, 1915.

7548



45

Licence

B

Aug 180





IN DEI NOMINE AMEN



**F**RANCISCVS ex Comitibus Ilcij  
 Nobilis Patritius Senensis, Dei, et Apostolica Sedis  
 gratia Archiepiscopus Pisarum, Insularum Sardiniae  
 & Corsicae Primas, et dicta Sedis Apostolicae in eis Legatus Natus,  
 necnon Pisani Almi Gymnasij Apostolica, Caesareaque authori-  
 tate Cancellarius, eoque in infrascripto actu absente Nos **A-**  
**ugustinus del Torto** Nobilis Pisanus, I. V. D. Primitialis  
 Ecclesiae Pisarum Canonicus, Prothonotarius Apostolicus,



Vicarius, ac Locumtenens Gerals ab eo, ad infrascripta  
omnia, et singula specialiter constitutus, et deputatus. Vni-  
uersis, & singulis præsentes nostras inspecturis salutem in Do-  
mino sempiternam; Cum inter ceteras in toto orbe terrarum  
uenerandas, et famosas Academiās, et Clarissimorum Docto-  
rum Vniuersitates Pisana multis ornamentis, et priuile-  
gijs honestata maximè fulgeat, in qua etiam ad Doctora-  
tus, et magisterij publicam, et eminentem dignitatem Ponti-  
ficia, et Casarea auctoritate sublimantur, et extolluntur illi,  
quos longo exercitio, labore, studio, disciplina, & ingenio summis  
vigilijs, omni denique conatu, et nixu spretis, et relictis uolupta-  
tum illecebris sese doctrinæ pænitus dantes sacras, et pene Di-  
uinas Philosophiæ, Medicinæque scientias adeptos, maximis  
laudibus, ac uerissimis testimonijs accuratè reperit probatissi-  
mos; & quos certamen generalis, & rigorosi examinis coram  
Nobis, et uenerando Philosophorum, et Medicorum Colle-  
gio per concurrentem virtutum copiam, meritorumque  
excellentiā ita promouet, ut doctoreis infulis, priuilegijs, præ-  
rogatiuis, honoribus, et dignitatibus ueniant decorandi;  
Cum itaque Egregius, ac Eruditus Vir, moribus modestus,  
ingenio acutissimus, doctrinæ præditus, et scientiarum cognitio-  
ne Præclarus **Per Illustris Dñs. HONVPHRIVS**  
**Bonfigli Ciuis Liburnensis, Dñi. Ioannis Vincen-**  
**tij Filius**, qui sua florente ætate in Celeberrimo Pisano Gym-  
nasio per quinquennium assiduus exercitatus vigilijs, Sacra  
Philosophiæ, Diuinæque Medicinæ sollicitam, et curiosam  
operam iugiter impendit, et nauauit, scholasticosque actus,  
arguendo, conferendo, disputando, et exercendo, de hinc fue-  
rit legitimè coram Nobis Vicario, & Vice Cancellario præfato.



presentatus per Magnificos, & Eximios Viros in Philosophia, &  
Medicina Doctores Excellentissimos —

**Dñm. Franciscum Verzanium Bargensem,**

**D. Lucam de Terentijs Ariminensem,**

**D. Laurentium de Bellinis Florentinum,**

**D. Didacum Zerillium Meßanensem**

**D. Benedictum Rosettum Foroliuensem,**

**D. Iosephum Zambecarium Pontremulensem,**

**D. Michaelum Angelum Tillium à Castro Florentino,**

**D. Nicolaum Verzanium Bargensem,** &

**D. Franciscum Mariam Guarisci de Bibiena**

Promotores suos, in eodem Pisano Almo Gymnasio publicè legentes  
examinandus, et approbandus in Philosophia, & Medicina, & ob  
hoc se subiecerit arduo, ac riguroso examini privato nostro, et Clarissi-  
morum Doctorum Sacri Collegij Philosophiæ, et Medicinæ, Ciuita-  
tis Pisanae, in quo quidem examine dictus **Dñus. Honuphrius**  
**Bonfigli** Puncta sibi de more in Philosophia, et Medicina hester-  
na die, hora XII. assignata, uidelicet, in Philos. Tex: xxiiii. 2<sup>di</sup> Phys:  
Quoniam, & faciunt, &c. In Medicina uero Aphor. xxii. primæ sect: Concocta  
medicari, &c. Mirò ordine recitando, et argumentis acutè, & subtiliter  
non tam scholastico, quam doctoreo quidem more respondendo, adeo  
doctè, et bene se gessit, et ita, ac taliter se habuit, ut communi dicti  
Collegij uoto, et consensu unanimi Nemine **PENITVS**  
**PENITVS** Discrepante dignissimus existimatus fuerit,  
ut sacra Philosophiæ, Diuinæque Medicinæ ornamenti, gradu,  
et insignibus feliciter honestaretur; Nos igitur consilio concordia,  
communi consensu, & unanimi uoluntate Collegij prædicti in-  
sufficienti numero collegialiter de nostro mandata congregati  
eundem nobilem, & Præclarum Virum **Dñm. Honuphrium**



antedictum. praeuio processu, praecedente, et habita diligenti infor-  
matione de Fide Catholica, et ipsius religione, & iuramento praestito  
in manibus nostris, iuxta formam Bulle per eum sectae felicitis recar-  
dationis Pij Papae quarti super iuramento praestando, et professione fa-  
cienda sub Datum Romae Apud Sanctum Petrum anno Incarnatio-  
nis Dominicae MDLXIV. Idibus Nouembris, Pontificatus sui anno  
V. Cuius professionis, et iuramenti forma nunc describitur ad uer-  
bum scilicet, Ego **Honuphrius Bonfigli** firma fide cre-  
do, et profiteor omnia, et singula, quae continentur in Symbolo Fi-  
dei, quo Sancta Romana Ecclesia utitur, uidelicet, **CREDO**  
In unum Deum Patrem Omnipotentem Factorem Caeli, et Terrae,  
uisibilium omnium, et inuisibilium. Et in unum Dñm. **IESVM**  
Christum Filium Dei unigenitum; Et ex Patre natum ante om-  
nia saecula, Deum de Deo lumen de lumine Deum uerum de  
Deo uero. Genitum non factum consubstantialem Patri per  
quem omnia facta sunt; Qui propter nos homines, et propter nrām  
salutem descendit de Caelis; Et incarnatus est de Spiritu Sancto  
ex Maria Virgine, & **Homo factus est;** Crucifixus etiam pro  
nobis sub Pontio Pilato, passus, et sepultus est; Et resurrexit tertia die  
secundum scripturas, & adscendit in Caelum, sedet ad dexteram  
Patris; Et iterum uenturus est cum gloria iudicare uiuos, et mor-  
tuos, cuius Regni non erit finis. Et in Spiritum Sanctum Dñm  
et uiuificantem, qui ex Patre, Filioque procedit. Qui cum Patre, et  
Filio simul adoratur, et conglorificatur, qui locutus est per Pro-  
phetas. Et unam Sanctam Catholicam, et Apostolicam Eccle-  
siam. Confiteor unum Baptisma in remissionem peccatorum. Et  
expecto resurrectionem mortuorum, Et Vitam uenturi saeculi.  
**Amen.** Apostolicas, et Ecclesiasticas traditiones, reliquasque  
eiusdem Ecclesiae observationes, et constitutiones firmissimè.



admitto, et amplector. Item sacram scripturam iuxta eum sensum quem tenuit, et tenet Sancta Mater Ecclesia, cuius est iudicare de uero sensu, et interpretatione sacram scripturarum admitto, nec eam unquam nisi iuxta unanimem consensum Patrum accipiam, et interpretabor. Profiteor quoque septem esse uere, & propriè sacramenta nouæ Legis à **IESV** Christo Domino nostro instituta, atque ad salutem humani generis, licet non omnia singulis necessaria scilicet Baptismum, Confirmationem, Eucharistiam, Penitentiam, Extremam Vnctionem, Ordinem, et Matrimonium, illaque gratiam conferre, et ex hijs Baptismum, confirmationem, et Ordinem sine sacrilegio reiterari non posse, Receptos quoque, et approbatos eiusdem Ecclesiæ Catholicæ ritus in supradictorum omnium sacramentorum solemnè administratione recipio, et admitto. Omnia, et singula, quæ de peccato originali, et de Iustificatione in sacrosancta Tridentina Synodo tradita, definita, et declarata fuerunt amplector, et recipio. Profiteor pariter in Missa offerri Deo uerum, proprium, et propitiatorium Sacrificium pro uiuis, et defunctis, atque in Sanctissimo Eucharistiæ Sacramento esse uerè, realiter, et substantialiter corpus, et sanguinem una cum Anima, et Diuinitate Domini nostri **IESV** Christi, fierique conuersionem totius substantiæ panis in corpus, et totius substantiæ uini in sanguinem, quam conuersionem Catholica Ecclesia transubstantiationem appellat. Fateor etiam sub altera tantum specie totum, atque integrum Christum, uerumque Sacramentum sumi. Constantè teneo Purgatorium esse, animasque ibi detentas Fidelium suffragijs iuuari. Similiter, et Sanctos una cum Christo regnantes uenerandos, atque inuocandos esse, eosque orationes Deo pro nobis offerre, atque eorum reliquias esse



uenerandas. Firmiter aspero Imagines Christi, ac Deiparae semper Virginis, nec  
non aliorum Sanctorum habendas, et retinendas esse, atque eis debitum  
honorem, ac uenerationem impartiendam. Indulgentiarum etiam po-  
testatem à Christo in Ecclesiam relictam fuisse, illarumque usum Chris-  
tiano populo maxime salutarem esse adfirmo. Sanctam Catholicam,  
et Apostolicam Romanam Ecclesiam omnium Ecclesiarum Matrem,  
et Magistrā agnosco. Romanoque Pontifici, Beati Petri Apostolorum  
Principis Successori, ac **Iesu** Christi Vicario ueram obedientiam spondeo,  
ac iuro. Cetera item omnia à sacris Canonibus, et Œcumenicis Concilijs,  
ac præcipue à sacrosancta Tridentina Synodo tradita, definita, et decla-  
rata indubitanter recipio, atque profiteor. Simulque contraria omnia,  
atque haereses quascumque ab Ecclesia damnatas, et reiectas, &  
anathematizatas, ego pariter damno, reicio, et anathematizo. Hanc  
ueram Catholicam Fidem, extra quam nemo saluus esse potest, quā  
in presenti sponte profiteor, et ueraciter teneo, eandem integram, &  
immaculatam usque ad extremum uitæ spiritum constantissime  
Deo adiuvante) retinere, et confiteri, atque à meis subditis seu  
illis, quorum cura ad me in munere meo spectabit teneri, doceri, &  
praedicari, quantum in me erit curaturum, ego idem **Honuphrius**  
spondeo, uoueo, ac iuro, sic me Deus adiuuet, & hac sancta Dei  
Euangelia. Ac etiam iuramento praestito in manibus nostris de  
observanda Constitutione felicis recordationis Beati Pij Papæ  
Quinti per Dominos Medicos observandæ sub Datum Romæ  
Apud Sanctum Petrum sub Anulo Piscatoris Die VIII. Martij  
1566. Pontificatus sui Anno 5<sup>mo</sup>. Et super Cathedram constitu-  
tum in nostri, et aliorum presentia diligenter examinatum  
Catholicum, & Religiosum repertum simul, et approbatum dixi-  
mus, pronunciauimus, et declarauimus sufficientissimum, doctis-  
simum, et meritissimum ad habendum, consequendum, &



5  
obtinendum licentiam, publicum gradum, et solita Doctoratus.  
Insignia, in Philos. & Medic. facultatibus superscriptis, illique  
tunc autoritate superius plenissime demandata, qua in hac  
parte fungimur, uti meritisimo Philosophia, & Medicina  
Doctori in eisdem legendi, docendi, glossandi, disputandi, con-  
sulendi, interpretandi, examinandi, ac iudicandi, Cathedram  
Magistram, ac Doctoralem ascendendi, illamque regendi,  
ceterosque doctores aditus, et Magistrales Pisis, et ubique loco-  
rum, ac terrarum publice exercendi, plenam, liberam, ac om-  
nimodam potestatem licentiam, et facultatem cedimus, damus,  
et concedimus per has nostras ipsum Nobilem, & Præclarum  
Virum Dñm. Honuphrium Bonfigli pronunciantes,  
adfirmantes, et declarantes Philosophia, & Medicina  
Excellentissimum esse Doctorem. Receptis postremo per eū  
ab eodem Excell<sup>mo</sup> Philos. & Medic. Doctore Dño. Fran-  
cisco Verzano Compromotore suo superscripto, ac aliorum  
suorum Compromotorum nomine ipsarum facultatum, et gra-  
dus solitis Doctoratus Insignibus, Libro scilicet clauso mox  
aperto, Biretoque vice Laureæ eius capiti imposito, ac de-  
mum Anuli aurei subarrhatione cum osculo pacis paterna-  
libus, magistralibusque benedictionibus. Qui omnibus sic pu-  
blice insignitus, et coronatus felici coronetur in patria per-  
uiuentem in sæcula. In quorum omnium, et singulorum  
fidem robur, ac testimonium præmissorum præsens hoc publi-  
cum Instrumentum authenticum in se continens Priuilegium  
per Excellentissimum Dñm Antonium Morrona I. V. D. Nobi-  
lem Ciuem Pisanum, & Archiepiscopalis Pisane Curie Can-  
cellarium Generalem infrascriptum rogari, ac subscribi iussi-  
mus, Sigillique eiusdem Ill<sup>mo</sup> & R<sup>mo</sup> Pisani Archiepiscopi appens.







6 (ult)

Il est en ce moment  
libre de son



